

MEMORIA XUSTIFICATIVA DO CONVENIO MARCO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES DA XUNTA DE GALICIA E A UNIVERSIDADE DE VIGO, PARA O DESENVOLVEMENTO DE ACTUACIÓNS QUE REDUNDEN EN BENEFICIO DO DEPORTE EN GALICIA E DA COMUNIDADE UNIVERSITARIA GALEGA.

Conforme ao establecido no Estatuto de Autonomía de Galicia aprobado por Lei Orgánica 1/1981, de 6 de abril (BOE de 28 de abril de 1981), a Comunidade Autónoma galega asume a competencia exclusiva na materia da promoción do deporte (artigo 27.22), competencia que é desenvolvida pola Lei 3/2012, do 2 de abril, do deporte de Galicia (DOG de 13 de abril).

Nesta liña, no artigo 5 da Lei 3/2012, do 2 de abril, do deporte de Galicia (DOG de 13 de abril) especificase que consonte a competencia exclusiva establecida no artigo 27.22 do Estatuto de autonomía de Galicia, correspóndelle á Administración autonómica o exercicio das seguintes competencias: n) promover, ordenar e organizar o deporte en idade escolar, e fomentar e coordinar as actividades deportivas entre as universidades galegas, sen detrimento das competencias destas na actividade deportiva; ñ) promover e impulsar, en colaboración coas universidades e outras entidades e administracións, a investigación no ámbito das ciencias da actividade física e do deporte; o) ordenar e organizar as ensinanzas deportivas, así como a expedición dos correspondentes títulos que as acrediten, sen prexuízo das competencias do Estado e das universidades nestas materias; p) promover, en colaboración coas universidades, con outras entidades e administracións e coas propias entidades deportivas, a atención médica e o control sanitario dos deportistas.

Asemade, o artigo 26 da Lei 3/2012, do 2 de abril, do deporte de Galicia do DOG de 13 de abril especifica que a Administración deportiva da Comunidade Autónoma colaborará coas universidades radicadas en Galicia nas actividades de fomento e promoción da actividade física e do deporte, así como na organización e realización de actividades deportivas non encadradas en competicións oficiais.

En consecuencia, a Lei 3/2012, do 2 de abril, do deporte de Galicia, recolle a necesidade de establecer unha estreita colaboración entre á administración autonómica competente en materia deportiva e as universidades galegas en orden a ensinanza do deporte, a súa promoción e ordenación e á investigación científica deportiva.

Entre os centros universitarios adscritos á Universidade de Vigo está a Facultade de Ciencias da Educación e do Deporte, sita no campus de Pontevedra, na que ademais de impartirse o Grao en Ciencias da Actividade Física e do Deporte, se desenvolven estudos de postgrao como o Master en Investigación en Actividade Física, Deporte e Saúde e proxectos de doutoramento e investigación en Deporte e Saúde.

De conformidade co artigo 15 do Decreto 136/2024, do 20 de maio, polo que se establece a estrutura orgánica da Consellería de Presidencia, Xustiza e Deportes, baixo a superior dirección da persoa titular da Consellería de Presidencia, Xustiza e Deportes, a Secretaría



Xeral para o Deporte exercerá as competencias e funcións en materia de deportes, e entre elas:

.....

f) En relación cos centros, tanto propios como dependentes doutras entidades, corresponderalle coordinar e supervisar o seu funcionamento e prestarlles a asistencia técnica necesaria para o correcto desenvolvemento da súa actividade.

g) A xestión das prestacións e programas en materias propias da Secretaría Xeral, así como a realización de todas aquelas accións encamiñadas á mellora da actividade física e deportiva e da infraestrutura deportiva galega.

.....

Entre os centros adscritos á Secretaría Xeral para o Deporte está o Centro Galego de Tecnificación Deportiva (en adiante CGTD) de Pontevedra, clasificado polo Consello Superior de Deportes como contro de tecnificación, en virtude da Resolución de 27 de maio de 2014, da Dirección Xeral de Deportes, pola que se clasifican as instalacións e os programas deportivos par o desenvolvemento do deporte de alto nivel e de competición.

É o centro autonómico de referencia destinado á tecnificación, promoción e mellora técnica dos deportistas de cara á alta competición, en diversas modalidades deportivas, contando con 160 prazas que se cubren en cada curso escolar. Dito centro constitúe un entorno moi propicio para o desenvolvemento e aplicación práctica de investigacións en materia de biomecánica e rendemento deportivo.

A Consellería de Presidencia, Xustiza e Deportes está interesada en promover unha estreita colaboración entre os departamentos científicos e de investigación e o CGTD que axuden tanto aos adestradores como aos deportistas a conquistar os seus obxectivos de rendemento, o que posibilitará a clasificación do CGTD como un Centro Especializado de Alto Rendemento (CEAR) por parte do Consello Superior de Deportes.

Polo tanto, o obxecto do presente Convenio é instrumentar a participación conxunta entre a Consellería de Presidencia, Xustiza e Deportes, a través da Secretaría Xeral para o Deporte, e Universidade de Vigo para o desenvolvemento de actuacións que redunden en beneficio do deporte en Galicia e da Comunidade Universitaria Galega. Entre elas, o intercambio de espazos; a promoción e colaboración no desenvolvemento de proxectos de investigación; asesoramento e apoio en materia de planificación, seguimento e control do adestramento aos deportistas becados no Centro Galego de Tecnificación Deportiva; promoción e colaboración cos departamentos científicos e de investigación da Universidade de Vigo no desenvolvemento de proxectos de investigación en base as necesidades e posibilidades de cada unha das partes, que axuden tanto aos adestradores como aos deportistas a conquistar os seus obxectivos de rendemento; elaboración e intercambio de publicacións e traballos de investigación; organización e realización de actividades académicas e deportivas (cursos,



congresos, conferencias, simposios, campionatos etc.); apoio aos estudantes nas prácticas curriculares e/ou profesionais; outras de interese mutuo.

O convenio non leva asignada aportación económica e o texto establece o prazo de vixencia de 4 anos dende a sinatura do mesmo. Non obstante, antes do remate do prazo previsto se as circunstancias o fan aconsellable, as partes por unanimidade poderán acordar a súa prórroga polo período estritamente necesario e sempre dentro do límite máximo de ata catro anos adicional establecido na Lei 40/2015, de 1 de outubro, de réxime xurídico do sector público.

Santiago de Compostela,

O Secretario Xeral para o Deporte

Jose Ramón Lete Lasa

(documento asinado dixitalmente)

